

INUIT ATAQATIGIIT INATSISARTUNI



UKA2021/122

12. oktober 2021

Mariane Paviasen

Nunami inuussutissarsiutinut tunngatillugu inuussutissarsiornermik siuarsaaneq pillugu Inatsisartut inatsisaata allangortinneqarnera pillugu inatsit (Erseqqissaaneq nipilersornermik inuussutissarsiutinut aamma filmiliornermi inuussutissarsiutinut tunngatillugu)

(Nunanut Allanut, Inuussutissarsiornermut, Niuernermit Silallu Pissusaata Allangoriartorneranut Naalackersuisoqarfik)

Una inatsissatut siunnersuut siunnersuuteqartumit Aqqalu C. Jerimiassen-imit siullermik UKA-2019-mi saqqummiunneqarpoq oqaluuserineqarnissaali kinguartinneqarsimavoq UPA-2020-mut.

Inuit Ataqatigiit sinnerlugit siunnersuut pillugu ima naatsumik oqaaseqassaagut.

Inatsissatut siunnersuummi pineqartoq tassaavoq Nunami inuussutissarsiutinut tunngatillugu inuussutissarsiornermik siuarsaaneq pillugu inatsimmi §2-mi ilanngunneqassasut oqaatsit: "*nipilersornermik inuussutissarsiutit aamma filmiliornermik inuussutissarsiutit*"

Oqaatsit inatsimmut ilanngunniarneqartut annikikkaluassusii, isumalerujussuilli qularnangitsumillu pineqartunit utaqqineqarsimassasut.

Qujanarpoq maanna Naalackersuisuussut UPA-2020-ili inatsisartut akuereriigaat maanna periarfissartik siulleq atorlugu suliariniarmassuk.

Taamak naatsunnguamik pineqartunullu isumalerujussuarnik oqaaseqarluta inatsississatut siunnersuut Inuit Ataqatigiinniit akueraarput.

Qujanaq.